



# აკაკი წერეთლის სახელმწიფო უნივერსიტეტი

წარმომადგენლობითი საბჭო

BOARD OF REPRESENTATIVES OF AKAKI  
TSERETELI STATE UNIVERSITY

თამარ მეფის ქ. № 59  
მის: 4600, საქართველო, ქუთაისი

ტელ: (+995 431 244778) ფაქსი (+995 331) 24 38 33  
ელ. ფოსტა [atsu@atsu.edu.ge](mailto:atsu@atsu.edu.ge)

საჯარო სამართლის იურიდიული პირის –  
აკაკი წერეთლის სახელმწიფო უნივერსიტეტის  
წარმომადგენლობითი საბჭოს დადგენილება

№ 102

„საჯარო სამართლის იურიდიული პირის - აკაკი წერეთლის სახელმწიფო უნივერსიტეტის“  
ფაკულტეტთან არსებული სამეცნიერო - კვლევითი ერთეულის დებულების პროექტის  
დამტკიცების შესახებ.

ქ. ქუთაისი

2 თებერვალი 2017 წ.

1. დამტკიცდეს „საჯარო სამართლის იურიდიული პირის - აკაკი წერეთლის სახელმწიფო უნივერსიტეტის“ ფაკულტეტთან არსებული სამეცნიერო - კვლევითი ერთეულის დებულების პროექტი წარმომადგენილი სახით.

(დანართი თან ახლავს)

2. დადგენილება ძალაშია გამოქვეყნებისთანავე.

წარმომადგენლობითი საბჭოს

სპიკერი:

პროფ. სულხან კუპრაშვილი

სსიპ აკაკი წერეთლის სახელმწიფო უნივერსიტეტის ფაკულტეტთან არსებული  
სამეცნიერო-კვლევითი ერთეულის

## მუხლი 1. ზოგადი დებულებები

- 1.1. სსიპ - აკაკი წერეთლის სახელმწიფო უნივერსიტეტის \_\_\_\_\_ ფაკულტეტის სამეცნიერო-კვლევითი ერთეული (შემდეგში - „ერთეული“) არის საჯარო სამართლის იურიდიული პირის - აკაკი წერეთლის სახელმწიფო უნივერსიტეტის \_\_\_\_\_ ფაკულტეტის (შემდეგში „ფაკულტეტი“) სტრუქტურული ერთეული.
- 1.2. ერთეული თავის საქმიანობაში ხელმძღვანელობს საქართველოს კონსტიტუციით, „უმაღლესი განათლების შესახებ“ საქართველოს კანონით, სხვა ნორმატიული აქტებით, უნივერსიტეტის წესდებით, ფაკულტეტის დებულებითა და ამ დებულებით.
- 1.3. ერთეულის დებულებას განიხილავს უნივერსიტეტის აკადემიური საბჭო და ამტკიცებს წარმომადგენლობითი საბჭო. წინამდებარე დებულება ატარებს ზოგად ხასიათს და ინტერესის გამოხატვის შემთხვევაში, ცალკეული ფაკულტეტის საბჭო იღებს გადაწყვეტილებას საკუთარ სტრუქტურაში სამეცნიერო-კვლევითი ერთეულის შექმნის შესახებ, ფაკულტეტის სპეციფიკისა და პრიორიტეტების გათვალისწინებით. ფაკულტეტის მიერ შემუშავებული დებულების პროექტი დასამტკიცებლად წარედგინება უნივერსიტეტის წარმომადგენლობით საბჭოს.

## მუხლი 2. ერთეულის მიზანი:

ერთეულის მიზანია ფაკულტეტის სამეცნიერო-კვლევითი პროფილის ფორმირების ხელშეწყობა, სამეცნიერო-კვლევითი საქმიანობის შემდგომი გაღრმავება, კვლევითი პროექტების შემუშავება წინასწარ შეთანხმებული მიმართულებით, სტუდენტთა ჩართულობის ამაღლება სამეცნიერო-კვლევით საქმიანობაში და მიღწეული შედეგების სასწავლო პროცესში მაქსიმალური ინტეგრირების მხარდაჭერა.

## მუხლი 3. ერთეულის უფლებამოსილება.

ფაკულტეტის საბჭოსთან შეთანხმებით, ერთეულს უფლება აქვს განახორციელოს:

- 3.1. ფუნდამენტური და გამოყენებითი სამეცნიერო კვლევები;
- 3.2. საკონსულტაციო და საექსპერტო საქმიანობა საქართველოს კანონმდებლობით დადგენილი წესით;
- 3.3. ორგანიზება გაუწიოს კონფერენციებსა და სხვა სამეცნიერო ღონისძიებებს;
- 3.4. ითანამშრომლოს საქართველოსა და უცხოეთის სამეცნიერო კვლევით დაწესებულებებთან;
- 3.5. მონაწილეობა მიიღოს საერთაშორისო სამეცნიერო ღონისძიებებში.
- 3.6. მონაწილეობა მიიღოს ფაკულტეტის საგანმანათლებლო პროგრამების მომზადებასა და განხორციელებაში, აგრეთვე, სტუდენტთა მიერ კვლევითი ხასიათის ნაშრომების შესრულებაში;

3.7. სტუდენტები ჩართოს სამეცნიერო-კვლევით საგრანტო პროექტებში, ხელი შეუწყოს მათ მონაწილეობას ეროვნულ და საერთაშორისო კონფერენციებსა და სხვადასხვა სამეცნიერო-კვლევით ღონისძიებებში.

#### **მუხლი 4. ერთეულის მართვის ორგანოები, სტრუქტურა და პერსონალი.**

- 4.1. ერთეულის მართვას ახორციელებს ფაკულტეტის საბჭო.
- 4.2. ერთეულს ჰყავს სამეცნიერო-კვლევითი ერთეულის ხელმძღვანელი, რომელსაც ფაკულტეტის საბჭოს წარდგინებით თანამდებობაზე ნიშნავს და თანამდებობიდან ათავისუფლებს უნივერსიტეტის რექტორი.
- 4.3. ერთეულის პრიორიტეტებს განსაზღვრავს ფაკულტეტის საბჭო, სამეცნიერო-კვლევითი ერთეულის ხელმძღვანელის წარდგინებით. პრიორიტეტების შერჩევას ფაკულტეტის საბჭო ახდენს წარმოდგენილი პროექტების განხილვისა და დამტკიცების შედეგად.
- 4.4. ფაკულტეტის საბჭოს უფლება აქვს, პრიორიტეტების გამოკვეთისა და პროექტების შერჩევის პროცესში, საჭიროების შემთხვევაში, ჩართოს შესაბამისი დარგის აღიარებული, მაღალკვალიფიციური ექსპერტი;
- 4.5. გამოკვეთილი პრიორიტეტების შესაბამისად, ერთეულში შეიძლება გაერთიანებული იყოს სამეცნიერო-კვლევითი მიმართულებები, რომელთა ჩამონათვალს, სამეცნიერო-კვლევითი ერთეულის ხელმძღვანელის წარდგინებით, ამტკიცებს ფაკულტეტის საბჭო.
- 4.6. ერთეულის სამეცნიერო-კვლევითი მიმართულების ხელმძღვანელს, ფაკულტეტის საბჭოს წარდგინებით, თანამდებობაზე ნიშნავს და თანამდებობიდან ათავისუფლებს უნივერსიტეტის რექტორი.

#### **მუხლი 5. ფაკულტეტის საბჭოს უფლებამოსილება სამეცნიერო-კვლევით ერთეულთან მიმართებით.**

ფაკულტეტის საბჭო:

- განიხილავს და განსაზღვრავს ერთეულის მართვისა და განვითარების საკითხებს;
- ამტკიცებს ერთეულის სამეცნიერო-კვლევითი საქმიანობის შიდა შეფასების წესს, ფაკულტეტის ხარისხის უზრუნველყოფის სამსახურის ხელმძღვანელის წარდგინებით;
- განიხილავს და ამტკიცებს ერთეულის საქმიანობის შედეგებს/ანგარიშებს/სამეცნიერო მოხსენებებს არანაკლებ წელიწადში ორჯერ;
- ხელმძღვანელის წარდგინებით ან/და მისი მონაწილეობით განიხილავს სამეცნიერო კონფერენციებისა და სხვა სამეცნიერო ღონისძიებების ორგანიზების, საქართველოსა და უცხოეთის სამეცნიერო-კვლევით დაწესებულებებთან თანამშრომლობის, საერთაშორისო სამეცნიერო ღონისძიებებში მონაწილეობის, სამეცნიერო-საგრანტო პროექტებში, ეროვნულ და საერთაშორისო სამეცნიერო კონფერენციებსა და სამეცნიერო-კვლევით ღონისძიებებში სტუდენტთა ჩართულობისა და მსგავსი თემატიკის საკითხებს;

## **მუხლი 6. ერთეულის ხელმძღვანელის უფლებამოსილება**

ფაკულტეტის სამეცნიერო-კვლევითი ერთეულის ხელმძღვანელი:

- ხელმძღვანელობს ერთეულის საქმიანობას და უზრუნველყოფს მის ეფექტიანობას;
- ფაკულტეტის საბჭოს განსახილველად წარუდგენს ერთეულის მიმართულების ხელმძღვანელების კანდიდატურებს;
- სამეცნიერო-კვლევითი ერთეულის ხელმძღვანელის თანამდებობა შეიძლება დაიკავოს სსიპ - აკაკი წერეთლის სახელმწიფო უნივერსიტეტის პროფესორმა ან ასოცირებულმა პროფესორმა. განსაკუთრებულ შემთხვევაში, ფაკულტეტის საბჭო უფლებამოსილია ფაკულტეტის სამეცნიერო-კვლევითი ერთეულის ხელმძღვანელად განიხილოს იმ პირის კანდიდატურაც, რომელიც არ არის აწსუ თანამშრომელი. ამ შემთხვევაში, კანდიდატი უნდა აკმაყოფილებდეს აწსუ პროფესორისა და ასოცირებული პროფესორის თანამდებობის დასაკავებლად დადგენილ საკონკურსო მოთხოვნებს.

## **მუხლი 7. ერთეულის პერსონალის უფლება-მოვალეობები**

7.1. პერსონალს უფლება აქვს:

- ა) განახორციელოს სამეცნიერო კვლევა და შეუზღუდავად გამოაქვეყნოს კვლევის შედეგები, გარდა იმ შემთხვევისა, როდესაც მათი შეზღუდვა შრომითი ხელშეკრულებით არის გათვალისწინებული ან ისინი შეიცავენ სახელმწიფო საიდუმლოებას;
- ბ) დამოუკიდებლად განსაზღვროს სამეცნიერო კვლევის მეთოდები და საშუალებები;
- გ) მონაწილეობა მიიღოს უნივერსიტეტის საგანმანათლებლო პროგრამების შემუშავებასა და მათი სასწავლო და კვლევითი კომპონენტების შესრულებაში;
- დ) სამეცნიერო-კვლევითი საქმიანობის განხორციელებასთან ერთად მონაწილეობა მიიღოს საგრანტო დაფინანსების მოსაპოვებელ კონკურსებში, აგრეთვე ისარგებლოს ინდივიდუალური გრანტის/გრანტების დაფინანსებით და მიიღოს დამატებითი დაფინანსება;
- ე) განახორციელოს „უმაღლესი განათლების შესახებ“ კანონითა და საქართველოს სხვა საკანონმდებლო და კანონქვემდებარე აქტებით მისთვის მინიჭებული სხვა უფლებამოსილებანი.

7.2. პერსონალი ვალდებულია:

- ა) შეასრულოს საქართველოს კანონმდებლობით, უნივერსიტეტის წესდებით/სამართლებრივი აქტებით და ამ დებულებით დადგენილი მოთხოვნები;
- ბ) შეასრულოს შრომითი ხელშეკრულებით ნაკისრი ვალდებულებები;
- გ) წელიწადში ორჯერ წარადგინოს შესრულებული სამუშაოს ანგარიში, დადგენილი წესით.

## **მუხლი 8. ერთეულის ფინანსური უზრუნველყოფა**

- 8.1. ერთეულის ხარჯები განისაზღვრება ფაკულტეტის ხარჯვითი ლიმიტის მოცულობით და წარმოადგენს მის განუყოფელ ნაწილს.
- 8.2. ერთეულის დაფინანსების წყარო შეიძლება გახდეს:
  - ფაკულტეტის საბჭოს მიერ ფაკულტეტის ხარჯვითი ლიმიტის ფარგლებში აკუმულირებული თანხები;
  - მოპოვებული სამეცნიერო გრანტები;
  - კვლევის შედეგების კომერციალიზაციით მიღებული თანხები;
  - დახმარებები და სხვადასხვა სახის შემოწირულობები.
- 8.3. ერთეულის ფუნქციონირების პერიოდში შექმნილი ინტელექტუალური და მატერიალური ფასეულობები წარმოადგენს უნივერსიტეტის საკუთრებას.

## **9. ერთეულის საქმიანობის შეფასება და მონიტორინგი**

- 9.1. ერთეულის საქმიანობას აფასებს ფაკულტეტის ხარისხის უზრუნველყოფის სამსახური სამეცნიერო-კვლევითი ერთეულის სამეცნიერო-კვლევითი საქმიანობის შიდა შეფასების წესის საფუძველზე, რომელსაც შეიმუშავებს ფაკულტეტის ხარისხის უზრუნველყოფის სამსახური და ამტკიცებს ფაკულტეტის საბჭო.
- 9.2. ერთეულის საქმიანობის შეფასების ანგარიშს ფაკულტეტის ხარისხის უზრუნველყოფის სამსახურის უფროსი წარუდგენს ფაკულტეტის საბჭოს დასამტკიცებლად.
- 9.3. იმ შემთხვევაში, თუ ერთეულის ხელმძღვანელი ან პერსონალი სათანადოდ ვერ ასრულებს ამ დებულებით განსაზღვრულ მოვალეობებსა და სამეცნიერო-კვლევითი საქმიანობის ფარგლებში ნაკისრ ვალდებულებებს, ფაკულტეტის საბჭო, ხმათა უმრავლესობის გადაწყვეტილებით, წინადადებით მიმართავს უნივერსიტეტის რექტორს, დაკავებული თანამდებობიდან მათი ვადაზე ადრე გათავისუფლებისა და/ან ერთეულის რეორგანიზების შესახებ;

## **მუხლი 10. ცვლილებების შეტანის წესი**

ერთეულის დებულებაში ცვლილებების შეტანის უფლებამოსილება გააჩნია უნივერსიტეტის წარმომადგენლობით საბჭოს.